

校正經餘必讀

經餘必讀三編卷上

三山趙在翰纂 永康胡鳳丹月樵重校刊

七經緯纂

黃帝曰太古百皇闢基文籀據理微萌始有熊氏太初而後有太始太始而後有太素有形始於弗形有法始於弗法章流立文以詒息孫而後傳授天老氏而後傳授於混沌氏而後授天莫氏而後傳無懷氏而後授中孫炎帝神農氏中孫古法渚物元造不足益之器用農穀衣服而後傳烈山氏○天有太極地有太壇○制靈經曰乾有九道坤有四道易有二道○老氏曰坤氣不和物出不遂○爭而後訟和而後解不通而否大通而泰○無懷氏曰上聖頤天以盡象頤物以盡源頤事以盡情而後天平地成萬穴效靈○孔子筮其命得旅請益於商瞿氏曰子有聖智而無位孔子泣而曰天也命也鳳鳥不來河無圖至嗚呼天命之也嘆訖而後息志停讀五十究易作十翼○孔子曰易者易也變易也不易也管三成爲道德苞簡易者以言其德也通情無門藏神無內不煩不撓淡泊不失變易也者其氣也天地不變不能通氣五行迭終四時更廢不易也者其位也天在上地在下君南面臣北面父坐子伏此其不易也故易法天地之道也乾坤之德萬物之寶○孔子曰益之六二或益之十朋之龜弗克違永貞吉王用享於帝吉

益者正月之卦也天氣下旋萬物皆益王者之法天地施政教而天下被陽德蒙教化如美寶莫能違害永貞其道咸受吉化德施四海能繼天道也王用亨於帝者言祭天也三王之郊一用夏正天氣三微而成一著三著而成一體方知此之時天地交萬物通故泰益之卦皆夏之正也此四時之正不易之道也故三王之郊一用夏正所以順四時法天地之道也○孔子曰易有君人五號也帝者天稱也王者美行也天子者爵號也大君者與上行異也大人者聖明德備也變文以著名題德以別操王者天下所歸往易曰在師中吉无咎王三錫命師者衆也言有盛德行中和順民心天下歸往之莫不美命爲下也行師以除民害賜命以長世德之盛天子者繼天理物改一統各得其宜父天母地以養萬民至尊之號也易曰公用亨於天子大君者君人之盛者也易曰知臨大君之宜吉臨者大也陽氣在內中和之盛應於盛位浸大之化行於萬民故言宜處王位施大化爲大君耳臣民欲被化之詞也大人者聖人之在位者也夫大人者與天地合其德易曰見龍在天利見大人又曰飛龍在天利見大人言德化施行天地之和故曰大人○孔子曰既濟九三高宗伐鬼方三年克之高宗者武丁也湯之後有德之君也九月之時陽失正位盛德既衰而九三得正下陰能終其道濟成萬物猶殷道中衰王道陵遲至於高宗內理其國以得其心扶救衰微征伐遠方三年而惡消滅成王道殷人高而宗之文王挺以校易勸德也○孔子曰自

成湯至帝乙帝乙湯之元孫之孫也此帝乙卽湯也殷錄質以生日爲名順天性也元孫之孫外絕恩矣

同以乙日生疏可同名湯以乙生嫁妹本天地正夫婦夫婦正王道興矣故曰易之帝乙爲成湯書之帝

乙六世王同名不害以明功○孔子曰君子一於靜若龍而無角○孔子曰太皇之先與燿合元精五常

期以序七神天地成位君臣道生君五期輔三右以建德通萬靈遂皇始出握機知表計宜其刻曰蒼牙

通靈昌之成孔演命明道經○晝視無日虹蜺煌煌夜視無月葦葦將將○上無乾下無坤天地昧昧履

踐冰以上易緯○孔子求書得黃帝元孫帝魁之書迄於秦穆公凡三千二百四十篇斷遠取近定可以爲世

法者百二十篇以百二篇爲尙書十八篇爲中侯○湯受金符帝籙曰狼銜鉤入殷朝鄭注金符禹籙鉤縛束之要明湯得

天下之要也○武王得兵鈐謀東觀白魚入舟王俯取魚以燎八百諸侯順同而謀魚者之用無足翼從欲紂

如魚乃誅○地有四遊冬至地上北而西三萬里多夏至地下南而東復三萬里春秋分則其中矣地恆

動不止人不知譬如人在大舟中閉牖而坐舟行而人不覺也七戎八蠻九夷八狄據形而言之謂之四

海海之言昏晦無所睹也○春則星辰西遊夏則星辰北遊秋則星辰東遊冬則星辰南遊鄭注天旁行四表之中冬

南夏北春西秋東皆薄四表而止地亦升降於天之中冬至而下夏至而上二至上下蓋極地厚也地與星辰俱有四遊升降四遊者自立春地與星辰西遊春分西遊之極地雖西遊升降正中從此漸漸而東

至春季復正自立夏之後北遊夏至北遊之極地則升降極下至夏季復正立秋之後東遊秋分東遊之極地則升降正中至秋季復正立冬之後南遊冬至南遊之極地則升降極上冬季復正○仲春

仲秋日出於卯入於酉仲夏日出於寅入於戌仲冬日出於辰入於申○鳥星爲春候火星爲夏期專陽

相助同精感符虛星爲秋候昴星爲冬期陰氣相佐德乃弗邪子助母收母合子符

注虛星北方宿也昴星西方宿也陰指母

也主春者鳥星昏中可以種稷主夏者心星昏中可以種黍菽主秋者虛星昏中可以種麥主冬者昴星

昏中則入山可以斬伐具器械王者南面而坐視四星之中者而知民之緩急急則不賦力役故敬授民

時○堯知命表稷契賜姓子姬皐陶典刑不表姓言天任德遠刑禹姓姁氏祖昌意以薏苡生殷姓子氏

祖以元鳥子生也周姓姬氏祖以履大人跡生也○帝者承天立五府以尊天重象五府五帝之廟蒼曰

靈府赤曰文祖黃曰神斗白曰顯紀黑曰元矩唐虞謂之五府夏謂世室殷謂重屋周謂明堂皆祀五帝

之所也

注唐虞之天府夏之世室殷之重屋皆同矣象五精之神天有五帝集居太微降精以生聖人故帝者承天立五府是爲天府赤帝赤牒怒之府名文祖火精光明文章之祖故謂之文祖周曰明

堂黃帝含樞紐之府而名神斗斗主也土精澄靜四行之主故謂之神斗周曰太室白帝白招矩之府曰顯紀法也金精斷割萬物成故謂之顯紀周曰總章黑帝汁光紀之府名元矩矩法也水精元昧能權輕

重故謂元矩周曰元堂蒼帝靈威仰之府名天府周曰青陽

○春夏民欲早作故令民先日出而作是謂寅寅出日秋冬民欲早息故

令民候日入而息是謂寅餞納日春迎其來秋送其去無不順矣○夏桀無道殺關龍逢絕滅皇圖壞亂

歷紀殘賊天下賢人逃遁淫色嬖易不事祖宗○季秋之月甲子赤雀啣丹書入於鄴止於昌邑其書云

敬勝怠者吉怠勝敬者滅義勝欲者從欲勝義者凶凡事不强則不枉不敬則不正枉者廢滅敬者萬世

以仁得之以仁守之其量百世以不仁得之以仁守之其量十世以不仁得之不仁守之不及其世○太

子發渡河中流火流爲烏其色赤

鄭注以魚燎於天有火自上復下至於王屋流爲烏

○天子社東方青南方赤西方白北方黑上

冒以黃土將封諸侯各取方土苴以白茅以爲社○初堯在位七十載矣見丹朱之不肖不足以嗣天下

乃求賢以異於位至夢長人見而論治

以上尙書緯

○陽生酉仲陰生戌仲○王者布德於子治成於丑○如

有繼周而王者雖百世可知以前檢後文質相因法度相改三而復者正朔也二而復者文質也○及其

食也君弱臣強故天垂象以見徵辛者正秋之王氣卯者正春之臣位日爲君辰爲臣八月之日交卯食

辛矣辛之爲君幼弱而不明卯之爲臣秉權而爲政故辛之言新陰氣盛而陽微生其君幼弱而任卯臣

也○百川沸騰衆陰進山冢萃崩人無仰高岸爲谷賢者退深谷爲陵小臨大○王者受命必先祭天乃

行王事詩曰濟濟辟王左右奉璋此文王之郊也○聖人事明義者以照耀其所闇故民不陷詩云示我

顯德行○靈臺候天意也經始靈臺天下附也○樂者非謂金石之聲管絃之鳴謂陰陽和順也○詩無

達詁易無達言春秋無達辭○古者劍在左刀在右鉤在前○蒹葭秋水其息涼猶秦西風之變乎○孔

子曰詩者天地之心君德之祖百福之宗萬化之戶也刻之玉版藏之金匱○集微揆著上統元皇下敘

四始羅列五際

宋均注集微揆著者縣縣瓜瓞民之初生揆其始是必將至著望有天下也

○治世之音溫以裕其政平亂世之音怨以怒其

政乖詩道然也○天地東西二億三萬三千里南北二億一千五百里天地相去一億五萬里○日月揚

光者人君之象也風雲列勢者將帥之氣也聲容具之○大跡出雷澤華胥履之生庖犧

宋均注雷澤地名華胥伏羲母

○大電光繞北斗樞星照郊野感附寶而生黃帝○瑤先如蜺貫月正白感女樞生顓頊

注星光如虹蜺往貫月也

○慶都與赤龍合婚生赤帝伊祁堯也○握登見大虹意感而生舜於姚墟○大禹之興黑風會紀

注黑力黑風風

后皆黃帝臣禹伯禹當其至也

○湯之先爲契無父而生契母與姊妹浴於元邱宋有燕啣卵墮之契母得故舍之譌吞

之卽生契○太任夢長人感己生文王○孔子歌云遼山十里螻蛄之聲猶尙在耳政尙靜而惡譁也上

詩○禮者履也○三綱謂君爲臣綱父爲子綱夫爲妻綱敬諸父兄六絕道行六紀謂諸父有善諸舅有

義族人有敘兄弟有親師長有尊朋友有舊內外有差則箕爲之直月至風揚

宋注月至月

○殷授天而王周

據而王○明堂所以通神靈感天地正四時出教令崇有德章有道褒有行○禮天子靈臺所以觀天人

之際陰陽之會也揆星辰之驗徵六氣之瑞應原神明之變化觀日氣之所驗爲萬物獲福於無方之原

招太極之清泉以興稼穡之根倉廩廣知禮節衣食足知榮辱天子得靈臺之禮則五車三柱明制可行

不失其常水泉川流無滯寒暑之災陸澤山陵禾盡豐穰○禮有九錫一曰車馬二曰衣服三曰樂則

四曰朱戶五曰納陛六曰虎賁七曰斧鉞八曰弓矢九曰桓轡皆所以勸善扶不能四方所瞻侯子所望

宋均注諸侯有德當益其地不過百里後有功加以九錫進退有節行步有度賜以車馬以代其步其言
成文章行成法則賜以衣服以表其德其長於教誨內懷至仁賜以樂則以化其民其居處修理房內不
泄賜以朱戶以明其別其動化有禮賜以納陛以安其體其勇猛勁疾執義堅強賜以虎賁以備非常其
亢揚威武志在宿衛賜以斧鉞使得專殺其內懷至仁執義不傾賜以弓矢使得專征其孝慈父母賜以
柎鬯使之祭祀皆有德則陰陽和風雨時四方
所瞻侯子所望則有景星之應柎鬯之草是也 ○嫡長稱伯庶長稱孟 ○文家稱叔質家稱仲 ○懸統

垂旒爲閑姦聲弁亂色令不惑視聽 ○冕而加旒以蔽明也加以黻纁不聽讒也 ○旒垂目續塞耳王者
耳不聽讒目不視非也 ○天子射熊諸侯射麋大夫射虎豹士射鹿豕 ○大夫達棊士首本

謂斷爲四棊以達兩端士

斷去本之首令細與尾頭相應

○天子旗九仞十二旒曳地諸侯七仞九旒齊軫卿大夫五仞五旒齊較士三仞三旒齊

首旌者旌旗也所以別尊卑敘貴賤也軫車後橫木也諸侯之旗齊於軫首頭也

○天子墳高三仞樹以松諸侯半之樹以柏大夫八尺樹以欒

士四尺樹以槐庶人無墳樹以楊柳 ○唐虞五廟親廟四始祖廟夏四廟至子孫五殷五廟至子孫六周

六廟至子孫七

注契爲始祖湯爲受命王各立其廟與親廟四故六

○夏無太祖宗禹而已則五廟殷人祖契而宗湯則六廟周尊

后稷宗文王武王則七廟自夏及周少不減五多不過七 ○天子之元士二廟諸侯之上士亦二廟中下

士一廟一廟者祖稱其廟 ○諸侯之士一廟 ○三年一祫五年一禘 ○三年一閏天氣小備五年再閏天

氣大備故三年一祫五年一禘禘之爲言禘禘定昭穆尊卑之義也禘祭以冬十月冬者五穀成熟物備

禮成故合聚飲食也 ○殷五年殷祭亦名禘五年殷禘 ○禮祭天牲角繭栗社稷宗廟角握六宗五嶽四

濱角尺其餘山川視卿大夫○天子純玉尺二寸公侯九寸四五一石伯子男三玉三石○天子舟車殯

諸侯車殯大夫攢塗士瘞○天子飯以珠含以玉諸侯飯以珠含以璧卿大夫士飯以珠含以貝○文王

見禮壞樂崩道孤無主故設禮經三百威儀三千○孔子謂子夏曰禮以修外樂以制內正已矣夫

宋注修外

飾容貌也修內蕩滌心性也已矣夫恨不得制禮作樂也○孔子謂子夏曰鸛鵒至非中國之禽也○夫子墳方一里弟子各以四方

奇木來植之○周成王觀於河沈璧而退青雲浮洛青龍臨壇吐元甲之圖○顓頊有三子生而亡去爲

疫鬼一居江水是爲瘧鬼一居若水爲魍魎鬼一居入宮室區隅善驚人小兒爲小鬼於是常以正歲十

二月令禮官方相氏蒙熊皮黃金四目元衣朱裳執戈揚盾帥百隸及童子而時儺以索室而驅疫鬼以

桃弧葦矢土鼓且射之以赤丸五穀灑掃之以除疾殃○天子有靈臺以候天地諸侯有時臺以候四時

○天子外闕兩觀諸侯外闕一觀○禮天子外屏諸侯內屏大夫以簾士以帷○正朔三而反文質再而

復三微者三正之始萬物皆微物色不同故王者取法焉十一月時陽氣始施於黃泉之下色皆赤赤者

陽氣故周爲天正色尙赤十二月萬物始牙而色白白者陰氣故殷爲地正色尙白十三月萬物孚甲而

出其色皆黑人得加功展業故夏爲人正色尙黑○若尙色天命以赤尙赤以白尙白以黑尙黑

宋氏注赤者命

以赤烏故周尙赤湯以白狼故尙白禹以元珪故尙黑也○文王得白馬朱鬣大貝元龜○祭者所以追養繼孝也

以上禮緯

○上元者天

氣也居中調禮樂教化流行總五行氣爲一○下元者地氣也爲萬物始質也爲萬物之容範生育長養蓋藏之主也○中元者人氣也氣以定萬物通於四時者也象天心理禮樂通上下四時之氣和合人之情以資天地者也○時元者受氣於天布之於地以時出入萬物者也四時之節動靜各有分職不得相越常以廣行也謂之調露之樂也

宋均注以時出入月令十二月政是也從其出入則無災祲也調露調和致於甘露樂使物戀長之樂也

○宮爲君君者當

寬大容衆故其聲宏以舒其和清以柔動脾也商爲臣臣者當發明君之號令其聲散以明其和溫以斷動肺也角爲民民者當約儉不奢僭差故其聲防以約其和清以靜動肝也徵爲事事者君子之功既當急就之其事當久流亡故其聲貶以疾其和平以切動心也羽爲物物者不齊委聚故其聲散以虛其和斷以散動腎也○孔子曰簫韶者舜之遺音也溫潤以和似南風之至其爲音如寒暑風雨之動物如物之動人雷動禽獸風雨動魚龍仁義動君子財色動小人是以前聖人務其本○先魯後殷新周故宋然宋商俗也○土肥厚陸饒溢溢斯生奢侈之俗也○詩人感而後思思而後積積而後滿滿而後作言之不足故嗟嘆之嗟嘆之不足故詠歌之詠歌之不足不知手之舞之足之蹈之也○召公賢者也明不能與聖人分職常戰慄恐懼故舍於樹下而聽斷焉勞身苦體然後乃與聖人齊是周南無美而召南有之○官有六府人有五藏五藏者何也謂肝心肺腎脾也肝之爲言干也肺之爲言費也情動得敘心之爲言

任也任於思也腎之爲言寫也以竅寫也脾之爲言併也所以積精稟氣也五藏肝仁肺義心禮腎智脾信也肝所以仁者何肝木之精也仁者好生東方者陽也萬物始生故肝象木色青而有枝葉目爲之候何目能出淚而不能內物木亦能出枝葉不能有所內也肺所以義者何肺者金之精義者斷決西方者亦金殺成萬物也故肺象金色白也鼻爲之候何鼻出入氣高而有竅山亦有金石累積亦有孔穴出雲布雨以潤天下雨則雲消鼻能出內氣也心所以爲禮何心火之精也南方尊陽在上卑陰在下禮有尊卑故心象火色赤而銳也人有道尊天本在上故心下銳也耳爲之候何耳能徧內外別音語火照有似於禮上下分明腎所以智何腎者水之精智者進上無所疑惑水亦進而不惑北方水故腎色黑水陰故腎雙竅爲之候何竅能瀉水亦能流滯脾所以信何脾者土之精也土尚任養萬物爲之象生物無所私信者至也故脾象土色黃也口爲之候何口能啖嚥舌能知味亦能出音聲吐滋液○德象天地爲帝仁義所生爲王○五音非宮不調五味非甘不和○君臣之義生於金父子之仁生於木兄弟之敘生於火夫婦之別生於水朋友之信生於土○夏以十三月爲正息卦受泰注物之始其色尚黑以寅爲朔○殷以十二月爲正息卦受臨注物之芽其色尚白以雞鳴爲朔○周以十一月爲正息卦受復注物之萌其色尚赤以夜半爲朔○其天命以黑故夏有元珪天命以赤故周有赤雀銜書天命以白故殷有白狼銜鈎○顏回問三教唐虞夏何如曰教者所以追捕

敗政靡蔽溷濁謂之治也舜之承堯無爲易也○禹將受位天意大變迅風靡木雷雨晝冥○武王承命興師誅於商萬國咸喜軍渡孟津前歌後舞克殷之後民乃大安家給人足酌酒鬱陶注鬱陶喜悅也○冬至日

祭天於圜丘用蒼璧牲同玉色樂用夾鐘爲宮樂作六變郊祀之辭九句九陽數也○先王之德澤在民民樂而歌之以爲詩說而化之以爲俗○地畜莫如山天開莫如樂○凡求雨男女欲和而樂又曰開神山神淵積薪夜擊鼓譟而燔之○殷之德陽德也故以子爲姓周之德陰德也故以姬爲姓○狄人與衛戰桓公不救於其敗也然後救之○夫聖人之作樂不可以自娛也所以觀得失之效者也故聖人不取備於一人必從八能之士故撞鐘者當知鐘擊鼓者當知鼓吹管者當知管吹箏者當知箏擊磬者當知磬鼓琴者當知琴故八士或調陰陽或調律歷或調五音故撞鐘者以知法度鼓琴者以知四海擊磬者以知民事鐘音調則君道得君道得則黃鐘蕤賓之律應君道不得則鐘音不調鐘音不調則黃鐘蕤賓之律不應鼓音調則臣道得臣道得則太簇之律應管音調則律歷正律歷調則夷則之律應聲音調則民道得民道得則林鐘之律應竽音調則法度得法度得則無射之律應琴音調則四海合歲氣百川以合德鬼神之道行祭祀之道得如此則姑洗之律應五樂皆得則應鐘之律應應鐘之律應天地以和氣至則和氣應和氣不至則天地和氣不應鐘音調下臣以法賀主鼓音調主以法賀臣聲音調主以德施

於百姓琴音調主以德及四海八能之士當以日冬至成天文日夏至成地理作陰樂以成天文作陽樂以成地理○夏至人主與羣臣從八能之士作樂五日○聖人作樂不以樂娛以觀得失之數故不取備於一人必須八能之士或調陰陽或調五行或調盛衰或調律歷或調五音與天地神明合德者則七始八氣終各得其宜也○聖王祇承天定祿爵人者不過其能尊卑有位位有物物有宜功成者賞功敗者罰故樂用鐘○五鳳皆五色爲瑞者一爲孽者四似鳳有四並爲妖一曰鸛鵒鳴喙圓目身義戴信嬰禮膺仁負智至則役之感也二曰發明鳥喙大翼大頸大脰身仁戴智嬰義膺信負禮至則喪之感也三曰焦明長喙疏翼圓尾身義戴信嬰仁膺智負禮至則水之感也四曰幽昌兌目小頭大身細足脰若鱗葉身智戴信負禮嬰仁膺義至則旱之感也○天道本下親親而質省地道敬上尊尊而文煩故王者始起先本天道以治天下質而親親及其衰敝其失也親親而不尊故后王起法地道以治天下文而尊尊及其衰敝其失也尊尊而不親故復反之於質作樂所以防隆滿節喜盛也○西夷之樂曰侏離南夷之樂曰任北夷之樂曰禁東夷之樂曰昧○鱗蟲三百六十龍爲之長羽蟲三百六十鳳爲之長毛蟲三百六十麟爲之長介蟲三百六十龜爲之長倮蟲三百六十聖人爲之長○九家爲井八家共治公田八十畝已外二十畝以爲八家井竈廬舍

以上樂緯

○孔子母顏氏夢感黑帝而生故曰元聖○孔子母顏氏常閒遊

大澤之陂睡夢黑帝使請己已往夢帝語曰汝乳必於空桑之中覺則若感生已於空桑之中○聖人不空生必有所制以顯天心已爲木鐸制天下法○已爲制法之主黑線不代蒼黃○孔子曰已作春秋天授演孔圖中有大玉刻一版曰璇璣一低一昂是七期驗敗毀滅之徵也○孔子修春秋九月而成卜之

得陽豫之卦宋均注陽豫夏殷之卦名夏殷以不變爲占周易以變爲占三占各占一易三占從二○正氣爲帝閭氣爲臣宮商爲姓秀氣爲人注

氣謂若木人則得蒼龍之形靈威仰之氣火人得朱鳥之形赤熒怒之氣以生之此也問氣則不苞一行各受一星以生若蕭何感昂精樊噲感亢精者也○伊尹大而短赤色而髯

好俛而下聲○夏民不康天命於湯白虎戲朝白雲入房白虎白雲皆金精也○孟子生時其母夢神人乘雲自泰

山來將止於嶧母疑視久之忽片雲墜而寤時閭巷皆見有五色雲覆孟子之居焉○黃帝受圖有五始

○元年者何元宜爲一謂之元何曰君之始年也○元者端也氣象無形以起有形以分窺之不見聽之

不聞○諸侯不上奉王之正則不得卽位正不由王出不得爲正王不承於天以制號令則無法天不得

正其元則不得正其元也王不上奉天文以立號則道術無原故先陳春後言王天不深正其元則不能

成其化故先起元然後陳春矣○以元之深正天之端以天之端正王者之政○王者受命昭然明於天

地之理故必移居處更稱號改正朔易服色自明天命聖人之實質文再而改窮則相承周則復始○三

王有失故立三教以相變夏人之立教以忠其失野故救野莫若敬殷人之立教以敬其失鬼故救鬼莫

若文周人之立教以文其失蕩故救蕩莫若忠如此循環周則復始窮則相承○王者封國上應列宿之

位注若角亢爲鄭房心爲宋之比

○其餘小國不中星辰者以爲附庸○周爵五等法五精

注五精是其總法五行分之法五剛甲丙戊庚壬其諸

侯之臣法五柔乙丁己辛癸

○公之言公公正無私侯之言候候順逆兼伺候王命矣伯之言白明白於德子者孳恩

宣德勇者任功立業皆上奉王者之政教禮法統理一國修身潔行矣庸者通也官小德微附於大德以

名通若畢星之右附耳然故謂之附庸矣○陽成於三列於七三七二十一故每州二百一十國也○質

家爵三等者法天之有三光也文家爵五等者法地之有五行也合三從子者制由中也○古者諸侯五

國爲屬屬有長二屬爲連連有帥三連爲卒卒有正七卒爲州州有伯也○立三台以爲三公北斗九星

爲九卿二十七大夫內宿部衛之列八十一紀以爲元士九百二十官焉下應十二子

宋氏注十二次上爲星下爲山川也

此言天子立百二官者非直上紀星數亦下應十二辰故曰下應十二子也

○天不足西北陽極於九故天周九九八十一萬里○地不足東

南陰右動終而入靈門

注地不足東西故言立子午以相明之子午者陰陽之象所見處也故以二辰迴轉所不同以爲門也右動動而東也靈門北也陰藏於此也

○地所以

右轉者氣濁精少含陰而起遲故右轉迎天佐其道

注地生於離既不敢當陽動退居少陽則亦宜右行而迎陽者受其施育而成陽故曰佐其道也

○

日之爲言節也開度五節使物咸別○月之爲言闕也○日圓望之廣尺以應千里○日尊故曰滿滿故

仁仁故明明故精在外曰滿者常盛無虧也○命者天之令也所受於帝行正不過得壽命壽命者正命

也起九九八十一帝天帝也八十一陽氣相乘之極

○有隨命隨命者隨行為命也援神契曰隨者逆天道常善之行則隨其暴虐行以教之○有遭

命遭命者行正不誤逢世殘賊君上逆亂辜咎下流災譴並發陰陽散忤暴氣雷至滅日動地天絕人命

沙鹿襲邑也

忤錯也襲猶淪也河水淪沙鹿之邑溺殺人也

○五氣之精交聚相加以迎陽氣道人致和五氣五行之氣○頭者神所居

上圓象天氣之府也歲必十二故人頭長一尺二寸○在天為文昌在人為顏顙太乙之謂也顏之言氣

畔也陽立於五故顏博五寸○天有攝提人有兩眉為人表候陽立於二故眉長二寸

注攝提兩星額曲人眉似之○

髮精散為鬚髯腦之為言在也人精在腦口之為言達也陽立於三故舌在口中者長三寸象斗玉衡陰

合有四故舌淪入噤內者長四寸

玉衡三星魁四星也

○唇者齒之垣所以扶神設端若有列星與外有限故曰唇

亡齒寒○目者肝之使肝者木之精蒼龍之位也鼻者肺之使肺者金之精制割立斷耳者心之候心者

火之精上為張星火成於五故人心長五寸陰者腎之瀉腎者水之精上為虛危口者脾之門戶脾者土

之精上為北斗主變化者也○脾之為言拊著也如龍蟠虎伏合拊著也○脾者胃之府主稟氣胃者穀

之委故脾稟氣也膀胱者肺之府也肺斷決膀胱亦常張有勢故膀胱決難也○掌圓法天以運動指五

者法五行○陽立於三故人脊三寸而結陰極於八故人旁八幹長八尺

宋均注結節也

○臍者下流並會合

為臍腹

宋均注臍中也四方並臍者也

○腰而上者為天尊高陽之狀腰而下者為地陰豐厚之象數合於四故腰周四

尺○髀之爲言跂也陰二故人兩髀○夏白帝之子殷黑帝之子周蒼帝之子○文王造之而未遂武王遂之而未成周公旦總少主而成之故曰成王○繼體守文之君不害聖人之主○聖王獨見四海歸王

○蒼帝春受制其名靈威仰赤帝夏受制其名赤熛怒黃帝受制王四季其名含樞紐白帝秋受制其名

白招拒黑帝冬受制其名汁光紀○白虹貫牛山管仲諫曰無近妃宮君恐失權齊后大懼退去色黨更

立賢輔使后出望牛山四面聽之以厭神

宋均注山君位也虹屬陰氣也陰氣貫之君惑於妻黨之象也望謂祭祀謝過也流俗本山作升者譌也

○王者往

也神所向往人所樂歸○北斗七星第一天樞第二璇第三璣第四權第五玉衡第六開陽第七瑤光第

四爲魁第五至第七爲杓合爲斗居陰布陽故稱北斗○五帝所行同道異位皆循斗樞機衡之分遵七

政之紀九星之法○后族擅權月生足芒主勢奪於后族羣妃之黨橫僭則月盈並出小月承大月羣姦

在宮王若贅旒大月承小月近臣起讒人橫陷臣執命三公望風○垂德命叔伏羲女媧神農是三皇也

皇者天天不言四時行焉百物生焉三皇垂拱無爲設言而民不違道德元泊有似皇天故稱曰皇皇者

中也光也宏也含宏履中開陰布綱上合皇極其施光明指天畫地神化潛通煌煌盛矣不可勝量○赤

龍負圖以出河見堯與太尉舜等百二十人集發藏大麓○粟五變以陽化生而爲苗秀爲禾三變而粢

謂之粟四變入曰米出甲五變而蒸飯可食○有鸛鳥來巢弓榆○天統十一月建子天始施之端也○